

27.05.(14.05.)

Свети мученик Исидор

Вечерња

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Амѣнь.

Христос воскрес из мертвых, смертью поправ, и сущим во гробех живот даровав. *(Трижды)*

Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превиспення Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превиспенних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливансии, ихже еси насадил. Тамо птицы вогнездятся, еродиево жилище предводительствует ими. Горы высокая еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и собращася и в ложах своих

лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благодати, отвращшу же Тебе лице, возьмутся, отымеши дух их, и исчезнут, и в персть свою возвратятся. Послеши Духа Твоего, и созиждутся, и обновishi лице земли. Буди слава Господня во веки, возвеселится Господь о делех Своих, призирая на землю, и творяя ю трястися, прикасаяся горам, и дымятся. Воспою Господеву в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа. Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже *(Трижды)*.

Во время чтения 103 псалма священник тайно перед царскими воротами с непокрытой головой читает светильничные молитвы.

По окончании предначинательного псалма диакон, выйдя северными воротами и став, как обычно на амвоне, произносит великую ектению.

Ектения великая

Диакон: Мiром Господу помолимся.

Лик: Господи, помилуй.

Диакон: О свiшнем мiре и спасении душ наших, Господу помолимся.

Лик: Господи, помилуй.

Диакон: О мiре всего мiра, благостоянии святых Божиих церквей и соединении всех, Господу помолимся.

Лик: Господи, помилуй.

Диакон: О святем храме сем и с верою, благоговением и страхом Божиим входящих в оны, Господу помолимся.

Лик: Господи, помилуй.

Диакон: О Великом Господине и отце нашем, Святейшем Патриархе Кирилле, и о господине нашем высокопреосвященнейшем митрополите Онуфрии, и о господине нашем высокопреосвященнейшем архиепископе Марке, и о всечестном отце нашем священноигумене Василии с братиею святых обители сия, честном пресвитерстве, во Христе диаконстве и о всем причте и людех, Господу помолимся.

Лик: Господи, помилуй.

Диакон: О Богохранímей странé нáшей, властéх и во́инстве ея́, Гóсподу помóлимся.

Лик: Гóсподи, помíлуй.

Диакон: О véси сей, вся́ком гра́де, странé и véрою живúщих в нíх, Гóсподу помóлимся.

Лик: Гóсподи, помíлуй.

Диакон: О блáгорастворéнии воздúхов, о изобíлии плодóв земнýх и врéменех мíрных, Гóсподу помóлимся.

Лик: Гóсподи, помíлуй.

Диакон: О пла́вающих, путешéствующих, недúгующих, стра́ждущих, пленéнных и о спасéнии их, Гóсподу помóлимся.

Лик: Гóсподи, помíлуй.

Диакон: О избáвиться нам от вся́кия скóрби, гнéва и нýжды, Гóсподу помóлимся.

Лик: Гóсподи, помíлуй.

Диакон: Заступí, спасí, помíлуй и сохрани́ нас, Бóже, Твоéю благодáтию.

Лик: Гóсподи, помíлуй.

Диакон: Пресвятýю, пречíстую, преблагословéнную, слáвную Влады́чицу нáшу Богороди́цу и Приснодéву Мари́ю со всéми святýми помянúвше, сáми себé и друг дрúга, и весь живóт наш Христú Бóгу предадím.

Лик: Тебé, Гóсподи.

И священник возглашает: Я́ко подобáет Тебé вся́кая слáва, честь и поклонéние, Отцú, и Сýну, и Свято́му Дúху, нýне и прíсно, и во véки веко́в.

Лик: Амíнь.

«Господи, воззвах»

Поются псалмы 140, 141, 129, 116 со стихирами на “Господи, воззвах”; в это время диакон совершает полное каждение храма

Первый лик: Гóсподи, воззва́х к Тебé, услы́ши мя. / Услы́ши мя, Гóсподи.

Гóсподи, воззва́х к Тебé, услы́ши мя: / вонмí глáсу молéния моего́, / внегда́ воззвáти ми к Тебé. / Услы́ши мя, Гóсподи.

Второй лик: Да испрáвится молíтва моя́, / я́ко кади́ло пред Тобóю, / воздея́ние рукú моéю / – жéртва вечерняя. / Услы́ши мя, Гóсподи.

И по чину стихи: Положи́, Гóсподи, хранéние усто́м мо́им, и дверь ограждéния о устна́х мо́их. Не уклони́ сéрдце моé в словеса́ лукавствия, непщевáти вины́ о гресéх, с челове́ки дéлающими беззакóние, и не сочтúся со избрáнными их. Накáжет мя прáведник мíлостью и обличíт мя, елéй же грéшнаго да не нама́стит главы́ моея́, я́ко ещé и молíтва моя́ во благоволéниях их. Пожéрты бы́ша при ка́мени суди́й их: услы́шатся

глаголи мой, яко возмогóша. Яко тóлща земли просéдеса на земли, расточíшася кóсти их при áде. Яко к Тебé, Гóсподи, Гóсподи, óчи мой: на Тя упováх, не отымí дúшу мою. Сохрани мя от сéти, юже состáвиша ми, и от соблáзн дéлающих беззакóние. Падúт во мрéжу свою грéшницы: едíн есмь аз, дóндеже прейдú.

Глáсом моím ко Гóсподу воззváх, глáсом моím ко Гóсподу помолíхся. Пролию пред Ним молéние моé, печáль мою пред Ним возвещú. Внегдá исчезáти от менé дúху моемú: и Ты познáл еси стезí моя: на путí сем, по немúже хождáх, скрýша сеть мне. Смотря́х одесnúю и возгля́дах, и не бе знáяя менé: погíбе бéгство от менé, и несть взыскáяя дúшу мою. Воззváх к Тебé, Гóсподи, рех: Ты еси упováние моé, часть моя еси на земли живíх. Вонмí молéнию моемú, яко смири́хся зело́, избáви мя от гоня́щих мя, яко укрепíшася пáче менé.

На 10, стихиры: Изведí из темнícы дúшу мою, / исповéдатися íмени Твоемú.

Стúх: Менé ждут прáведницы / дóндеже воздáси Мне.

На 8, стúх: Из глубинí воззváх к Тебé Гóсподи, / Гóсподи, услы́ши глас мой.

Стúх: Да бúдут úши Твой / внéмлюще глáсу молéния моего́.

На 6, стúх: Áще беззакóния нáзриши, Гóсподи, Гóсподи, кто постои́т? / Яко у Тебé очищéние есть.

Понедельник 4-й седмицы по Пасхе на 3

Глас 8: О преслáвнаго чудесé! Творéц всéх плотно́сец бýв, в нáше обнищá естество́, хотя́ яко благоутрóбен, и с челове́ки пожíв, чудéс мнóжество евре́ом показá. Тémже исцели́ иногда́ разсла́бленнаго, рéк емú: возмí о́др тво́й, в Вифесдú пришéд.

Стúх: Íмене рáди Твоего́ потерпéх Тя, Гóсподи, потерпé душá моя в слóво Твое́, / упová душá моя на Гóспода.

Глас 8: Спáсе Бóже мóй и Гóсподи, пáдшыя челове́ки воскресíти хотя́, на земли́ яко Человекó обхождáл еси́ исцеля́я всéх недúги, мнóгаго рáди благоутрóбия. Тémже пришéд ко Óвчей купéли, цéла воздвигл еси́, иногда́ разсла́бленнаго, слóвом Твоím, три́десять óсмь лéт лежáща.

На 4, стúх: От стра́жи úтренния до нóщи, от стра́жи úтренния, / да упováет Изра́иль на Гóспода.

Глас 8: Зáвистию евре́и снedáеми, благодея́нием Твоím преблагíй Гóсподи, винú творя́ще, и нействовства разжéнием, беззакóннующе сáми в закóне прíсно, тебе́ иска́ху убити войстинну́ Жíзнь, суббóты рáди, егдá всего́ челове́ка показáл еси́ Ты́ здрава, прéжде разсла́бленна сýща.

Стúх: Яко у Гóспода мíлость, и мнóгое у Него́ избавлéние, и Тóй избáвит Изра́иля от всéх беззакóний его́.

мч. Исíдора Хиосскаго на 3

Глас 4: Ранами стружемь, / кожнаго умерщвления, / риз совлёкся еси, / во одежду же нетления и светлу багрянцу одёян, / скоро ко древу жизненному дошёл еси, / жизнь приим войстинну неразоримую / и неконечную, славне. / Еяже ныне насыщаяся, / поющая тя соблюди.

На 2, стих: Хвалите Господа вси языцы, похвалите Его вси людие.

Глас 4: Ревностию разжигаемь благочестия, Исидоре, / вшел еси в судище, / тепле страдания / и венец победы, мучениче, прият, / на леств учении богопокорными украшаемь / крестным же укрепляемь всеоружием, / низложил еси лествигаго томителя, / венценосец показуяся.

Стих: Яко утвердися милость Его на нас, и истина Господня пребывает во век.

Глас 4: Войстинну превзыдоша мученическая страдания / похвалением подобия, / и слова, и помысла, / тверди бо столпы благочестия / телом мертвенным и страстным, / равно нам сообложени, / на огонь же дерзнула / и язвы преобидеша, / яко в телеси страждуще чуждем, славнии.

Слава Отцу, и Сыну, и Святому Духу, и ныне, и присно, и во веки веков. Аминь.

Глас 5: При Овчей купели человек лежаше в немощи, и видев Тя Господи, вопияше: человека не имам, да егда возмутится вода, ввержет мя в ню: егда же прихожду, ин предваряет мя, и приемлет исцеление, аз же немощствуяй лежу. И абие умилосердився спас, глаголет к нему: тебе ради Человек бых, тебе ради в плоть облекохся, и глаголеши: человека не имам. Возми одр твой и ходи. Вся Тебе возможна, вся послушают, вся повинуются: всех нас помяни, и помилуй Святыи, яко Человеколюбец.

Вечерняя песнь Сыну Божию

Свете Тихий святыя славы, / Безсмертнаго, Отца Небеснаго, / Святаго Блаженнаго, Иисусе Христе. / Пришедше на запад солнца, / видевшие свет вечерний, / поем Отца, Сына и Святаго Духа, Бога. / Достойн еси во вся времена / пет быти гласы преподобными, / Сыне Божий, живот дай, / темже мир Тя славит.

Диакон: Вонмем.

Священник: Мир всем.

Лик: И духови твоему.

Прокимен

В неделю вечера, глас 8:

Диакон: Премудрость. Вонмем. Прокимен, глас 8.

Се ныне благословите Господа, / вси рабы Господни.

Лик: Се ныне благословите Господа, / вси рабы Господни.

Диакон: Стоящи в храме Господни, во дворех дому Бога нашего.

Лик: Се ныне благословіте Гóспода, / вси рабї Госпóдни.

Диакон: Се ныне благословіте Гóспода

Лик: Вси рабї Госпóдни.

Молитва при наступлении вечера

Лик: Сподóби, Гóсподи, в вéчер сей без грехá сохранїтися нам. / Благословén есї, Гóсподи Бóже отéц нáших, / и хвáльно и прослáвлено їмя Твоеó во вéки, амїнь. /

Бúди, Гóсподи, мїлость Твоя́ на нас, я́коже упováхом на Тя. / Благословén есї, Гóсподи, научї мя оправдáнием Твоїм. / Благословén есї, Влады́ко, вразумї мя оправдáнием Твоїм. / Благословén есї, Святы́й, просветї мя оправдáнии Твоїми. /

Гóсподи, мїлость Твоя́ во век, дел рукú Твоею́ не прéзри. / Тебé подобáет хвалá. Тебé подобáет пéние, / Тебé слáва подобáет, Отцú и Сýну и Свято́му Дúху, / ныне и прїсно и во вéки векóв. Амїнь.

Ектения просительная

Диакон: Испóлним вечернью́ молїтву нáшу Гóсподеви.

Лик: Гóсподи, помїлуй.

Диакон: Заступї, спасї, помїлуй и сохрани́ нас, Бóже, Твоею́ благодáтию.

Лик: Гóсподи, помїлуй.

Диакон: Вéчера всего́ совершénна, свята́, мїрна и безгрéшна у Гóспода прóсим.

Лик: Подáй, Гóсподи.

Диакон: А́нгела мїрна, вérна наставника́, хранїтеля́ душ и телéс нáших у Гóспода прóсим.

Лик: Подáй, Гóсподи.

Диакон: Прощéния и оставлénия грехóв и прегрешénий нáших у Гóспода прóсим.

Лик: Подáй, Гóсподи.

Диакон: Дóбрых и полéзных душáм нашим, и мїра мїрови у Гóспода прóсим.

Лик: Подáй, Гóсподи.

Диакон: Прóчее врéмя животá нáшего в мїре и покая́нии скончáти у Гóспода прóсим.

Лик: Подáй, Гóсподи.

Диакон: Христиáнския кончы́ны животá нáшего, безболéзнены, непосты́дны, мїрны и дóбраго отвéта на стра́шнем судїщи Христóве прóсим.

Лик: Подáй, Гóсподи.

Диакон: Пресвятую, пречистую, преблагословенную, славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

И священник возглашает: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

И возглашает священник: Буди держава Царствия Твоего благословена и препрославлена, Отца, и Сына, и Святого Духа, ныне и присно, и во веки веков.

Лик: Аминь.

Стихиры на стиховне

Понедельник 4-й седмицы по Пасхе на 3

Глас 3: Твоим Крестом Христе Спасе, смерти держава разрушися, и диаволя прелесть упразднися: род же человеческий верою спасаемый: песнь Тебе всегда приносит.

Стих: К Тебе возведох очи мой живущему на Небеси. Се яко очи раб в руку господий своих, яко очи рабыни в руку госпожи своей: тако очи наши ко Господу Богу нашему, дондеже ущедрит ны.

Глас 3: Вечернюю песнь приносим Ти Христе, с кадилом и песнями духовными: помилуй Спасе души наша.

Стих: Помилуй нас, Господи, помилуй нас, яко по многу исполнихомся унижения: наипаче наполни душа наша поношения гобзующих, и унижения гордых.

Глас 3: Велия Креста Твоего Господи сила: водрузи бо ся на месте, и действует в мире, и показа от рыбарей апостолы, и от язык мученики, да молятся о душах наших.

Слава Отцу, и Сыну, и Святому Духу, и ныне, и присно, и во веки веков. Аминь.

Глас 1: Дланию пречистой создавый человека, пришел еси Благоутробне, недугующия исцелити Христе, расслабленного во Овчей купели словом Твоим возставил еси: кровоточивой же болезнь исцелил еси: хананеи отроковицу стужаемую помилвал еси, и прошение сотника не презрел еси. Сего ради зовем: всесильне Господи, слава Тебе.

Молитва святого Симеона Богоприимца

Ныне отпушчаеши раба Твоего, Владыко, / по глаголу Твоему с миром: / яко видеста очи мой спасение Твое, / еже еси уготовал пред лицом всех людей, / свет во откровение языков, / и славу людей Твоих Израиля.

Трисвятое по Отче наш:

Священник: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Лик: Амѣнь.

Тропари

Глас 3: Да веселятся небесная, / да радуются земная, / яко сотвори державу / мѣшцею Своею Господь, / попра смертью смерть, / первенец мертвых бысть; / из чрева адова избави нас, / и подаде миру велию милость.

Слава Отцу, и Сыну, и Святому Духу.

Тропарь мученику Исидору Хиосскому

Глас 4: Мученик Твой, Господи, Исидор / во страдании своем венец прият нетленный от Тебе, Бога нашего, / имеяй бо крепость Твою / мучителей низложи, / сокруши и демонов немощныя дерзости. / Того молитвами // спаси души наша.

И ныне, и присно, и во веки веков. Амѣнь.

Богородичен, глас 4: Еже от века утаенное / и Ангелом несведомое таинство, / Тобою, Богородице, сущим на земли явися Бог, / в неслитном соединении воплощаем, / и, Крест волею нас ради восприим, / имже воскресив первозданнаго, / спасе от смерти души наша.

Сугубая ектения

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй. *(Трижды)*

Диакон: Еще молимся о Великом Господине и Отце нашем Святейшем Патриархе Кирилле, и о господине нашем высокопреосвященнейшем митрополите Онуфрие, и о господине нашем высокопреосвященнейшем архиепископе Марке, и о всечестном отце нашем священноигумене Василии с братиею святых обители сия, и всей во Христе братии нашей.

Лик: Господи, помилуй. *(Трижды)*

Диакон: Еще молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Лик: Господи, помилуй. *(Трижды)*

Диакон: Ещё мо́лимся о блаже́нных и приснопа́мятных создате́лех свята́го хра́ма сегó, и о всех преждепочивших отце́х и бра́тиях, зде лежа́щих и повсю́ду, правосла́вных.

Лик: Го́споди, помíлуй. *(Трижды)*

Диакон: Ещё мо́лимся о мíлости, жи́зни, ми́ре, здра́ви, спасе́нии, посеще́нии, прощё́нии и оставле́нии грехóв рабо́в Бо́жих, бра́тии свята́го хра́ма сегó.

Лик: Го́споди, помíлуй. *(Трижды)*

Диакон: Ещё мо́лимся о плодонося́щих и добродёющих во свята́м и всечестне́м хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богáтыя мíлости.

Лик: Го́споди, помíлуй. *(Трижды)*

Священник: Яко Мíлостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прíсно и во ве́ки веко́в.

Лик: Амíнь.

Диакон: Премúдрость.

Лик: Благослови́.

Священник: Сый благословён Христóс Бог наш, всéгда, ны́не и прíсно и во ве́ки веко́в.

Лик: Амíнь.

Лик: Утверди́, Бо́же, / святу́ю правосла́вную ве́ру, правосла́вных христиáн / во век ве́ка.

Священник: Пресвята́я Богорóдице, спаси́ нас.

Лик: Честне́йшую Херувíм и сла́внейшую без сравне́ния Серафíм, без ислéния Бо́га Сло́ва рóждшую, сущую Богорóдицу Тя велича́ем.

Священник: Сла́ва Тебе́, Христé Бо́же, упováние náше, сла́ва Тебе́.

Лик: *Сла́ва, и ны́не:*

Го́споди, помíлуй *(трижды)*. Благослови́.

Священник стоя у Царских врат, обращается на запад к народу и произносит отпуст.

Отпуст

Воскресый из мёртвых Христóс Истинный Бог наш, моли́твами Пречи́стыя Своея́ Ма́тере, предста́тельства честных Небéсных Сил Безплóтных: святых сла́вных и всехва́льных Апóстол, мч. Исíдора Хиосскаго, святых пра́ведных Богооте́ц Иоакíма и Áнны, и всех святых, помíлуе́т и спасёт нас, я́ко Благ и Человеколю́бец.

Многолетие

Лик: Вели́каго господíна и отца́ нашего́ Кири́лла, / Святе́йшаго Патриáрха Моско́вскаго и всея́ Рýси, и господíна нашего́ высокопреосвяще́ннейшаго Онуфрия́, митрополита

Неделя 4. по Пасхи: Вечерње

Київськи, и господіна на́шего высокопреосвящѣннейшаго Марка, архиепископа Хустськи, и всечестно́го отца́ на́шего священноигумена Васи́лия с бра́тиєю святы́я обітели сїя, / богохрані́мую страну́ на́шу Россійскую, / настоя́теля, бра́тию и прихо́жан свята́го хра́ма сегó, / и вся правосла́вныя христиа́ны, / Го́споди, сохрани́ их на мно́гая ле́та.